

# СОЧИНЕНИЕ

на тему:

*«Люблю тебя, мой край родной»*



*Выполнила ученица 8 «Б» класса*

*Нухқадиева Лиана*

*Учитель: Ибрагимова З.М.*

## Сочинение: " Дигахъури хІу, дила ахІерси улка".

Дагъистан нушала ВатІан саби. МяхІячкъала илала тахшагъар саби. Дагъистан ибси-дубуртар улка ибси саби.Амма Дагъистайзир дубуртицун ахІен лерти. Илар лер капарай авлахъунира диркъурбира.Дагъиста дубур- тачир маза ва хІяйванти адилкъули сари.ТІинтІти авлахъуначир тІутІила ва цархІилти цІедешла дахъал унхъри лер Нушала лебилра давла ванзализиб саби. Иларад сари дашути нушани дукути лерил секІал. Дагъиста тІабигІятла давлуми дахъал сари. Дила ахІерси улкализир чучила хабардерхурти дахъал гІяжаибти мер-муса лер. Дагъиста дахъал шагъурти ва шими лер арагІеблира унхърази гІеладикибти, дебали жагати. Дагъистайзирти шагъуртазибад бегІлара жявхІелла шагъар саби Дербент. Дербентлизиб бегІлара тамашала саби Наринкъала. Урхъулара дубурталара ургаб ил къала къапуван кабизурли саби. Дагъистанкадлира духъяндитІи сари Каспи урхъула дубани. Мурт хІеръалра, ил хъанцти чебиу. Урхъула шин адамтас дармандирар . Илдазиб гъар дус бахъал адамтани чула арадеш къулайбиру. Даим бургъуси Каспи урхъула дубличирти гъумличи нушара гердилзехІе. Илар декІар-декІарти чумдехІра гъайла иргъехІе. Дагъистайзиб хІябцІайчибра имцІали миллатла адамти хІербирули саби. Сари-ургар илди селичил-биалра декІардулхъули сари. Илдала цІакъ гъалмагъдешлизиб саби. Дагъиста халкъаначи жявхІейчирад хасти сари гъалмагъдеш ва илдачирли алкІути пяхІялдеш Гъарли-марті гъалмагъдешлис миллат сеналра диргалахІебулхъан. ТІабигІятла балагъуни чедакІибхІели , гъармукаби чебухъунхІели, дагъистанланти цабехІлис цабехІ кумекличи музабулхъутири, цала лебси цархІилтасра буртІусири.Дагъиста миллатунала дахъал цагъунти гІяхІти гІядатуни лер, масала, гІяхІялдешла , халатала хІурматбирнила, алхунти хъумхІертнила ... Илдала халати гъабзадеш лер, чихъти ламус-яхІ лер. Гъанна шимала ургарти бархбасуни цархІилти миллатунала шимачилра имцІадиубли сари. Вачар-чакарли ва культурала бархбасунани илди гъатІира гъамдикІахъули сари . Дагъистайзиб миллатунала ургаб дяв бетаурси ахІен . Дявти хІедиахъес багъандан, нушаб цадалги хІердиэс чебуркъар. Россиялизиб, дурала улкназиб, Дагъистайзибад , кІел миллатла адам цаличил ца къаршибикалли , узи чеваибсиван разибиркур. Миллатуни-ургабси уржибдеш нушани нушала дудешунаниван къябхІебердахъес къасбирхІе. Мадиаб гъалмагъунала ургар къавгъа ! ВегІла ВатІан , вегІла мер-муса дигахъни адамла бегІлара гІяхІти Къиликъуназибад ца саби. Гъарил адамлис бегІлара ахІерти мер-муса дирар. Илди вегІ акІубти мер-муса сари. ВегІли дурхІядеш деркІибти мерани лерилра гІямрулизир хъумхІертули кавлули дирар. ДурхІни халабиур. Дурала мераначира башар. Амма саби акІубти мер-мусаличил къявхІевдар,ила гъаман башар. ДурхІядеш деркІибти мераначил дархдалсан бегІти-тухумла, гъалмагъунала уми . Илди чебаэс гъаман хІяздулхъули дирар. ВегІ акІубти мер-муса, бегІти-тухум ва гъалмагъуни хъумартес асухІебирар.



Набра дебали дигахъис ну акӀубси ши. Ил авалра шайчибад дубурта алавкабарили саби. Шилизирти цадерхӀла ва кӀидерхӀла сагати юртани цӀедешла унхърани алавкавцили сари. Нушала шила жагати вацӀурбира лер. ДуцӀрумлизир нуша гъар дус вацӀализи дашули дирехӀе . Лерил дубурти шиниша юргъай кӀапӀдарили, хӀерикӀес дахъ тӀягӀямли бираргу. Дубурличивад хӀерикӀалли, къадаларад кадухъунти хӀуркӀби берхӀилиур лямцӀдикӀули чедиур. Агъ, бахъ тӀягӀямли ва жагали бираргу шилизиб хӀебла замана !

ВатӀан - ил бегӀла чебяхӀси, бегӀла гъамси ва дурхъаси саби гъарил адамлис. «ВегӀла неш хӀейгусилис, ВатӀанра хӀейгахъу»-, бикӀули бирар адамти . ВатӀанра бегӀтира гъарил адамла лерти сари . Наб дебали дигахъис дила дурхъаси ва ахӀерси ВатӀан.

Дила ВатӀан.

ХӀу дигули ламдикӀар

Дила лига—лигара.

ХӀу уркӀилаб агарли,

Камалас ца бархӀилра.

Дила чедибдеш, дигай.

Дард дила, пахру дила,

Дила жан, дила далай,

Дубуртар ВатӀан дила.